

պենական կալուածքում շինել է տալիս իր . . .
 «Ամառնային ժամանակի հովանոցը»: Կամ
 թէ Խորենացու այս խօսքերը «Եթէ գրուն
 պատուական դձեր սեփական Պահլաւն (խըն-
 դրէք), զայն անդրէն ի ձեզ դարձուցից եւ
 դքեզ (Անակ) փառաւորեցից» ամբողջապէս
 Բահլաւների տոհմական Տայոց-աշխարհի
 Պալխարի ստորոտի Պահլաւի մասին է: Եթէ
 հետաքրքրուինք Պարխարեան լը-ով, Հինդ-
 կարի լեռներով, վտակով, Բահլ առուակով
 եւ աւանով, կը գտնենք Պահլաւների բնա-
 վայրը:

Այս Պահլ-Բահլ արմատը երեւում է, որ
 շատ հին է, ո՛չ միայն Քալդէական-Բարեւա-
 կան Բահալի, այլ մինչեւ անգամ Ալիւս-Իրիս
 գետերի, Ամասիայի Բալլիաս Թագաւորի
 շրջանների (Ք. Մ. 3000 տարի առաջ) հետ
 կապ ունի, որով Բահլի ծագումը պէտք է
 փնտռել ո՛չ թէ Բագտրիայում, այլ Բարե-
 լոնում եւ Ամասիայում: Եթէ հետեւինք
 Ազաթանգեղոսին, Փաւստոսին, Փարպեցուն
 եւ Խորենացուն, Լուսաւորիչը պարթեւա-
 կան աշխարհի, Պահլաւ դաւառի տէրն է,
 Արշակունիների տոհմակից եւ ժառանգորդ,
 հետեւաբար սրա կալուածքը չէր կարող
 դուրս գալ ճորոխի Աւազանից: Այդ կա-
 լուածքը անպայման Անակի վիճած եւ Ար-
 տաշրի խոստացած Բահլն էր, ո՛չ թէ Բակ-
 տրիայի Բահլ առաւատինը, այլ Պալխարի
 ստորոտի Բահլն է իր շրջակայքով: